

Radunonza communal da dils 08 da december 2017

1. Beinvegni

Il president communal beneventa 83 votantas e votants a questa radunonza communal. Culs 5 commembers dalla suprastanza ed il canzlist ein 89 persunas cun dretg da votar presentas.

Tier la gliesta da tractandas dat ei neginas menziuns aschia che quella vegn approbada.

2. Elecziun dils dumbravuschs

Ils proponi vegnan elegi unanimamein.

3. Protocol dalla radunonza communal dils 13-06-2017

Dil protocol han ins saviu prender investa en canzlia communal. Igl ei vegniu inoltrau neginas protestas a scret. Il protocol vala tenor artechel 25 dalla costituziun da vischnaunca cun quei sco approbaus.

4. Revisiun parziala dalla planisaziun locala (Bargaus)

La suprastanza communal propona d'approbar la revisiun parziala dalla planisaziun locala, consistend da:

- Revisiun parziala plan da zonas e plan general da furmaziun 1:2000 Bargaus
- Revisiun parziala lescha da baghegiar (art. 28a e 28b)

Decisiun: La radunonza communal approbescha la revisiun parziala dalla planisaziun locala cun 73 vuschs GIE e 2 cuntervuschs.

5. Damonda da credit per l'introducziun da tempo 30

La suprastanza communal ei dil meini ch'il concept ademplescha buc ils basegns per segirtad e propona da refusar il concept e buc realisar tempo 30.

Decisiun: La radunonza communal decida cun 47 encunter 37 vuschs da refusar il concept e buc realisar tempo 30.

6. Damonda da credit per il remplazzament dallas cazzolas da via

La suprastanza communal propona d'approbar la damonda da credit per il remplazzament dallas cazzolas da via sur frs. 250'000.- repartiu sin ils onns 2018 e 2019.

Decisiun: La radunonza communal approbescha il remplazzament dallas cazzolas da via cun 81 vuschs GIE e 2 cuntervuschs.

7. Damonda da credit per l'installaziun d'in stan da mulscher sin l'alp S. Martin

La suprastanza communal propona d'approbar la damonda da credit per l'installaziun d'in stan da mulscher sin l'alp S. Martin sur frs. 95'000.- brutto.

Decisiun: La radunonza communal approbescha la damonda da credit cun 73 vuschs GIE e neginas cuntervuschs.

8. Preventiv per igl onn da scola 2018/19 dil consorzi da scola superioriura scolaviva

Decisiun: La radunonza communal aprobescha il preventiv per igl onn da scola 2018/19 dil consorzi da scola superioriura cun grond surpli e senza cuntervuschs.

9. Preventiv 2018

Quen current

Il quen current muossa in gudogn da frs. 3'560.- tier entradas ed expensas da rodund frs. 4.13 milliuns.

Decisiun: La radunonza aprobescha il preventiv 2018 dil quen current cun grond surpli e senza cuntervuschs.

Quen d'investiziuns

Il quen d'investiziun muossa expensas da frs. 1'295'000.- tier entradas da frs. 255'000.-. Per ils projects ch'eiin gia vegni approbai dad ina radunonza drova ei negina votaziun.

Decisiun: La radunonza aprobescha il preventiv 2018 dil quen d'investiziuns cun grond surpli e senza cuntervuschs.

10. Fixar pei da taglia 2018

La suprastonza communal propona da schar il pei da taglia sco tochen dacheu sin 112 % dalla taglia cantunala sempl.

Ord il pievel vegn la proposta da sbassar il pei da taglia da 112% sin 100%.

Decisiun:

Per la proposta dalla suprastonza: 52 vuschs;

Per la proposta ord il pievel: 24 vuschs.

11. Fixar pei da taglia sin schischom 2018

La suprastonza communal propona da schar il pei da taglia sco tochen dacheu sin 1.50 ‰.

Decisiun: La radunonza communal decida cun grond surpli e senza cuntervuschs da schar il pei da taglia sco tochen dacheu sin 1.50 ‰.

Il president communal siara la radunonza allas 22:30.